



# COMUNE DE MARA

Provìntzia de Tàtari  
Servìtziu Servìtzios Sotziales – Iscolàsticos - Educativos – Culturales  
– SportTel. 079/805068 pec: protocollo@pec.comune.mara.ss.it

## AVISU PÙBLICU

### PRO SA CUMPARTECIPATZIONE A SA REALIZATZIONE DE SU PROGRAMMA SÒTZIUCULTURALE ANNU 2022

**Allegadu a sa determinatzione n. 324/107 de su 29.07.2022**

Su Responsàbile de su Servìtziu Sòtziu – Culturale

In acumprida de sos atos chi sighint:

**BIDA** sa Deliberatzione de s'Assemblea de s'Unione n. 9 de su 12.04.2019 chi giughet s'aprovazione de su Regulamentu pro s'istitutzione de s'albu e sa cuntzessione de contributos a organismos assotziativos;

**BIDAS** sas Linias guida de s'Unione de sos Comunes de su Biddanoa de programmazione de sos interbentos subra de su turismu.

**BODAS** sas deliberatziones de sa Giunta de s'Unione de su Biddanoa:

- n. 23 de su 03/06/2022, est istadu aprovalu su programma de sos interbentos subra de su turismu;
- n. 24 de su 03/06/2022 est istadu aprodu su pianu de partzidura de su 2022 pro s'acumprida de su programma unitàriu de sas manifestatziones in su territòriu de su Biddanoa;

-

#### FINALIDADE

- **Promòvere atividades e eventos de interessu e utilidade pùblica, chi apant sa punna de irrichire, in generale, s'àmbitu culturale, de sa costumàntzia, educativu, formativu, ambientale, sotziale, isportivu e turìsticu de su territòriu;**
- **Valorizare sa condizione de sos giòvanos;**
- **Prevènnere sa minimadura de sa populatzione in sas biddas minores;**
- **Dare unu contributu a artziare su livellu de sa vida assotziata e de sas diferentes articulatziones suas a favore de sas diferentes fàscias de edade;**
- **Aumentare su prestìgiu e sa màgine de su territòriu in s'interessu de totus.**

## FAGHET ISCHIRE CHI

S'Amministrazione Comunale cheret interessare sos assòtzios chi òperant in su territòriu comunale pro collaborare in s'acumprida de su programma de sas manifestatziones de s'Unione de sos Comunes de su Biddanoa, chi incluit unas cantas inìtziativas sotziales, culturales de ispetàculu e ligadas a sos ritos de sa costumàntzia;

Su programma detzisu dae s'Unione de sos Comunes de su Biddanoa, de acumprìre in su territòriu de su Comune de Mara, at a dèvere èssere fatu cun s'interessamentu de entes e Assòtzios, chi no apant interessu a bi balangiare, chi ant a dare sa disponibilidade, in relata a sos argumentos diferentes prevididos, dende vida a formas idòneas de collaboratzione e de cooperatzione de pare a pare cun su Comune.

Custu Avisu si devet leare a cunsideru comente protzedimentu de evidèntzia pùblica, pro acollire sas dimandas dae parte de sugetos interessados, in su respetu de sos printzìpios de non distintzione, tratamentu che pare, proportzionalidade, trasparèntzia e publitzidade.

### ART. 1 – OGETU

Sa manifestatzione de custu avisu est de s'acumprìre, in su territòriu de Mara e giuta torra a s'ighire.

<b>INIZIATIVA</b>	<b>COMUNE IN UE S'AT A FÀGHERE</b>	<b>PERÌODU</b>
<b>MANIFESTATZIONE GASTRONÒMICA S'HEZZA</b>	<b>COMUNE DE MARA</b>	<b>AUSTU 2022</b>
<b>TORNEO DE <i>CALCIO</i> A TOTU IN UNA NOTE</b>	<b>COMUNE DE MARA</b>	<b>AUSTU 2022</b>
<b>MANIFESTATZIONE SÒTZIU CULTURALE IN AMMENTU DE SU POETA SU BIADU FRANTZISCU SALE</b>	<b>COMUNE DE MARA</b>	<b>CABUDANNI 2022</b>

### ART. 2 – RECHISIDOS DE PARTETZIPATZIONE

Est prevididu s'interessamentu de unu o prus assòtzios culturales iscritos a manera regolare a s'Albu de sos organismos assotziativos de s'Unione de sos Comunes de su Biddanoa.

Sos sugetos beneficiarijos de su contributu devent àere, pro no èssere esclusos, sos rechisidos chi s'ighint:

- èssere iscritos a manera regolare a s'albu de sos organismos assotziativos de s'Unione de sos Comunes de su Biddanoa;
- acumprìre, pro istatutu, atividades, sena bi balangiare, chi apant a manera prioritària sa punna de sa promotzione culturale e isportiva e de satisfamentu de su bisòngiu de istare paris;
- non devent èssere in peruna de sas cunditzones de esclusione dae sa partetzipatzione a sas protzeduras de seletzione de sas cales a s'art. 80 de su DLgs n. 50/2016 e s.c Còdighe de sos Apaltos;
- àere sa capatzidade de cuntatare s'Amministrazione Pùblica.

### ART. 3 – AMMANIADURA DE SAS PROPOSTAS

Sas propostas ant a dèvere pertocare a manera printzipale sas categorias de atziones insertadas in su Programma:

1. Cultura;
2. costumàntzias;
3. folklore;
4. turismu e ispetàculu;
5. isport;

### ART. 4 – TÈRMINES E MODALIDADE DE PRESENTATZIONE DE SAS PROPOSTAS

Sos Assòtzios interessados ant a pòdere presentare a s'Ufitziu Protocolu sas propostas intro de sas 12:00de sa die **04/08/2022**

- cunsignada a manu a s'Ufitziu protocolu, Pratzza de su Comune n. 1;
- posta eletrònica tzertificada a s'indirizzu **protocollo@pec.comune.mara.ss.it** ;
- racumandada cun retzida.

Sa dimanda, sutascrita comente si devet dae su Presidente o Legale Rapresentante de s'Ente chi proponet, at a dèvere èssere ammaniada cunforme a sa modulistica adotada dae sos ufizios cumpetentes e àere allegados sos documentos chi sighint, pro no èssere esclusos:

1. progetu: descritzione a sa minuda de sas atividades de acumprire, cun sa previsione de ispesa in relata;
2. documentu de identidade de su rapresentante legale,

Su Comune no at peruna responsabilidade si bi diat èssere carchi discumbèniu in sa cunsigna de sa Posta, o de cale si siat àtera genia chi diat impedire sa cunsigna de sa dimanda intro de su tèrmine apostivigadu.

Sas dimandas presentadas in antis de custu avisu no ant a pòdere èssere atzetadas o leadas a cunsideru. Sas dimandas presentadas posca de s'iscadèntzia no ant a pòdere èssere leadas a cunsideru.

### ART. 5 – CRITÈRIOS DE ASSIGNADURA DE SU CONTRIBUTU

Sos contributos ant a èssere assignados cunforma a sos critèrios chi sighint:

n.	CRITÈRIOS DE VALUTATZIONE	PUNTOS
----	---------------------------	--------

1	Currispondèntzia de sa proposta a sas punnas chi s'ghint: promòvere atividades e eventos de interessu e utilidade pùblica, chi apant s'obietivu de arrichire, in generale, s'àmbitu culturale, de sa costumàntzia, educativu, formativu, ambientale, soziale e turisticu de sa tzitade; valorizare sa condizione de sos giòvanos; dare unu contributu a artziare su livellu de sa vida assotziada e de sas diferentes articulatziones suas a favore de sas diferentes fàscias de edade; aumentare su prestìgiu e sa màgine de su territòriu de sos comunes chi faghent parte de sas comunidades de s'Unione de sos Comunes in s'interessu de totus.	20 puntos
2	Rapresentatividade de su sugetu chi faghet rechesta (esperientzia, pro su prus subra de sa tipologia de s'iniziativa proposta; arraighinamentu in su territòriu; rilevàntzia de s'atividade acumprida in su territòriu comunale	20 puntos
3	Gradu de cumpartetzipatzione a sas ispesas (s'at a leare in cunsideru su Pianu finantziàriu de ispesa)	20 puntos
4	Interessamentu de sas fàscias prus dèbiles de sa populatzione (minores, disàbiles, antzianos, etz.);	30 puntos
5	Originalidade e innovatzione de sa proposta	10 puntos

#### **ART. 6 – LOGU DE ACUMPRIMENTU DE SOS EVENTOS**

Totu sas propostas de sas cales a custu Avisu s'ant a dèvere acumprire in su territòriu de su Comune de Mara

#### **ART. 7 – PUBLITZIZATZIONE DE SAS ATIVIDADES FINANTZIADAS**

Sos beneficiàrios ant s'òbligu de impitare su contributu solu pro sas atividades e sas iniziative pro sas cales est istadu cuntzessu. Sos beneficiàrios ant puru s'òbligu de fare pùblica sa cuntzessione de su contributu dae parte de su Comune de riferimentu, de s'Unione de sos Comunes de su Biddanoa e de àteros sugetos finantziadores d'àbiles, insertende totu su materiale publitziàriu relativu a sas iniziative, s'istemma de su Comune de riferimentu e de s'Unione de sos Comunes de su Biddanoa.

#### **ART. 8 – MOTIVOS DE ESCLUSIONE**

Ant a èssere escludidos o no leados a cunsideru sos progetos chi non pertocant su programma de s'Unione de sos Comunes. Devent èssere respetadas iniziative soziales, culturales, de ispetàculu e ligadas a sas traditziones de sa costumàntzia de sas festas religiosas;

## **ART. 9 – RENDICONTAZIONE**

Sas ispesas chi si podent ammittere e finantziare ant a èssere totu cussas ligadas a manera istrinta a s'acumprida de sos progetos, gasi comente apostivigadu dae s'Allegadu "A1" chi cuntenet s'elencatzione de sas tipològias de ispesa e sas modalidades de càlculu e rendicontatzione.

Sos contributos ant a èssere erogados cun determinatzione apòsita dae su Responsàbile de s'Àrea Sòtziu-Culturale cun unu primu **acontu** non superiore a sa summa de su **70%** de s'importu assignadu.

Onni Assòtziu/ente, pro àere s'erogatzione de su saldu finale at a dèvere presentare unu rendicontu apòsitu de sas summas assignadas cunforma a s'**Allegadu "A1"**. Su rendicontu finale at semper e cando èssere presentadu intro de 90 dies dae sa congruida de sa manifestatzione.

## **ART. 8 – RESPONSABILIDADE**

S'Amministrazione non si leat peruna responsabilidade pro su chi pertocat s'organizatzione e s'acumprida de sas atividades e initziativas a sas cales dat su sustennu pròpiu, inclùida sa responsabilidade pro coberturas amministrativas dàbiles. S'acumprida de sos òbligos de lege in matèria fiscale, assistenziale e de collocamentu est a càrrigu solu de s'organizatzione beneficiària de s'interbentu.

Pro cantu no est disciplinadu dae custu avisu, s'aplicant sas dispositziones de su "Regulamentu pro s'istitutzione de s'albu e sa cuntzessione de contributos a organismos assotziativos" aprovalu cun Deliberatzione de s'Assemblea de s'Unione n. 9 de su 12.04.2019.

Custu bandu, umpare a sa modulistica pro sa presentatzione de sa dimanda e pro sa rendicontatzione est publicada in su giassu web istituzionale de su Comune de [www.comune.mara.ss.it](http://www.comune.mara.ss.it)

Pro informatziones e/o acaramentos indirizzare-si a: Ufitziu Sòtziu – Culturale tel 079/805068 – Sabrina Doneddu

Su Responsàbile de su Servìtziu  
Dut.ra Sabrina DONEDDU

*Firma autògrafa sostituìda dae indicat zione pro mèdiu  
de imprenta cunforma a s'art. 3, comma 2 de su  
D.Lgs. n° 39/93*